



Broj: 04-GV-04-01/22
Sarajevo, 04.01.2022. godine

*ZAPISNIK O RADU
SEDME SJEDNICE KOMISIJE ZA DRUGOSTEPENO
UPRAVNO RJEŠAVANJE
održane 04.01.2022. godine*

Prisutni:

1. Kenan Mamić, predsjedavajući
2. Tarik Kapur, zamjenik predsjedavajućeg
3. Damir Beglerović, član
4. Maid Delić, član
5. Željko Vukša Fejzić, član

Odsutni: Sanela Halać, članica, Zlatan Ljuhar, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 15.12 sati otvorio sjednicu, pozdravio prisutne, utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu Šeste sjednice Komisije za drugostepeno upravno rješavanje održane 21.12.2021. godine.

Na prijedlog predsjedavajućeg, jednoglasno je usvojen sljedeći **dnevni red**:

1. Ponovno razmatranje Žalbe pravnog lica „Plakat“ d.o.o. Ilidža
2. Tekuća pitanja

TAČKA 1.

Ponovno razmatranje Žalbe pravnog lica „Plakat“ d.o.o. Ilidža

Uvodno izlaganje dao je Kenan Mamić, predsjedavajući Komisije.

Poslije uvodnog izlaganja, na prijedlog Predsjedavajućeg, Komisija za drugostepeno upravno rješavanje je jednoglasno usvojila sljedeće **zaključke**:

1. Komisija za drugostepeno upravno rješavanje je ponovno razmotrila Žalbu pravnog lica „Plakat“ d.o.o. Ilidža izjavljenu na rješenja broj: 09-19-5885-1/21 od 17.11.2021. godine, broj: 09-19-6119-1/21 od 17.11.2021. godine, broj: 09-19-6120-1/21 od 17.11.2021. godine, broj: 09-19-6121-1/21 od 17.11.2021. godine, broj: 09-19-6122-1/21 od 17.11.2021. godine, broj: 09-19-6123-1/21 od 17.11.2021. godine, broj: 09-19-6125-1/21 od 17.11.2021. godine, broj: 09-19-6126-1/21 od 17.11.2021. godine, broj: 09-19-6128-1/21 od 16.11.2021. godine, broj: 09-19-6127-1/21 od 16.11.2021. godine, broj: 09-19-6124-1/21 od 15.11.2021. godine, te donosi rješenja kojima se žalbe odbijaju kao neosnovane i potvrđuju prvostepena rješenja, uz obrazloženje koje bi uz kratki opis hronologije, trebalo imati i sljedeći sadržaj.



Podnosilac žalbe ne spori postojanje neizmirenih, a dospjelih obaveza u trenutku donošenja pobijanog rješenja te žalbenim navodima nije doveo u pitanje zakonitost istog. Navodi da je isti u međuvremenu izmirio obaveze, nisu relevantni za Komisiju u pogledu preispitivanja pravilnosti prvostepenog rješenja, te navedena činjenica eventualno može biti osnov za podnošenje novog zahtjeva za izdavanje odobrenja, a nikako valjan osnov za usvajanje predmetne žalbe.

Imajući u vidu navedeno, te uvidom u cjelokupan spis predmeta, Komisija je utvrdila da je prvostepeni organ pravilno i potpuno utvrdio činjenično stanje i na temelju istog pravilno primjenio materijalno pravo.

2. Komisija za drugostepeno upravno rješavanje zadužuje prvostepeni organ da putem zahtjeva ili drugog pravnog akta naloži žalitelju da izmiri obaveze administrativne takse, kako je to navedeno u pouci o pravnom lijeku u svakom od navedenih rješenja, a shodno odredbama Zakona o administrativnim taksama („Službene novine Kantona Sarajevo“, br. 30/01- prečišćeni tekst 22/02, 10/05, 26/08 i 23/16).
3. U skladu sa ovim zaključcima Stručna služba Gradskog vijeća Grada Sarajeva će pripremiti rješenja Komisije za drugostepeno upravno rješavanje po predmetnim žalbama za potpis za srijedu 05.01.2022. godine, u obaveznom roku.

TAČKA 2.

Tekuća pitanja

Komisija za drugostepeno upravno rješavanje je ponovno zatražila informaciju od Pravobranilaštva Grada Sarajeva o postupanju po njihovom zaključku sa Šeste sjednice održane dana 21.12.2021. godine a koji je glasio:

„Komisija za drugostepeno upravno rješavanje traži od Pravobranilaštva Grada Sarajeva informaciju o tome zašto kompletan predmet spisa nije dostavljen Kantonalnom sudu, obzirom da se radi o dva upravna spora u kojima je Sud u oba odlučio na isti način jer nije imao dovoljno informacija.“, te se traži od Stručne službe Gradskog vijeća da ponovljeni zahtjev za dostavu informacija od Pravobranilaštva Grada Sarajeva po citiranom zaključku uputi Pravobranilaštvu Grada Sarajeva bez odlaganja.

PREDSJEDAVAJUĆI KOMISIJE

Kenan Mamić, s.r.

Predsjedavajući Komisije je u 15.25 sati zaključio rad Sedme sjednice Komisije za drugostepeno upravno rješavanje Gradskog vijeća Grada Sarajeva.